

*Parate viam Domini.*

Léctio libri Isaíæ prophétæ

40, 1-5. 9-11

- <sup>1</sup> **C**onsolámini, consolámini pópulum meum,  
dicit Deus vester.
- <sup>2</sup> Loquímini ad cor Ierúsalem et clamáte ad eam,  
quóniam compléta est milítia eius,  
expiáta est iníquitas illíus,  
suscépit de manu Dómini duplícia  
pro ómnibus peccátis suis.
- <sup>3</sup> Vox clamántis:  
«In desérto paráte viam Dómini,  
rectas fácite in solitúdine sémitas Dei nostri.
- <sup>4</sup> Omnis vallis exaltétur,  
et omnis mons et collis humiliétur;  
et fiant prava in dirécta, et áspera in plana:
- <sup>5</sup> et revelábitur glória Dómini,  
et vidébit omnis caro páriter  
quod os Dómini locútum est».

[6-8]

- <sup>9</sup> Super montem excélsum ascénde,  
tu, quæ evangelízas Sion;  
exálta in fortitúdine vocem tuam,  
quæ evangelízas Ierúsalem;  
exálta, noli timére;  
dic civitátibus Iudæ:  
«Ecce Deus vester,
- <sup>10</sup> ecce Dóminus Deus in virtúte venit,  
et bráchium eius dominátur:  
ecce merces eius cum eo  
et práemium illíus coram illo.
- <sup>11</sup> Sicut pastor gregem suum pascit,  
in bráchio suo cóngregat agnos et in sinu suo levat;  
fetas ipse portat». — Verbum Dómini.